


ル 5
3667
5





門 5
號 3667
卷 5



西陸總統事畧目錄

卷九

牧廠

廠務成案

卡倫

會議卡倫成案

卷九 目錄

西陲總統事畧卷九

宮保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室賡寧安齋繪圖

前任吏部員外郎程振甲也園校刊

牧廠

伊犁牧廠始自乾隆二十五年陸續由阿克蘇烏魯

木齊並張家口外牧羣達里剛愛等處運到孳生

馬一萬四千零三十三匹又陸續購買孳生馬三

千五百二十六匹三十年起至五十八年將軍保寧

奏准為止陸續收獲孳生馬一萬一千零一十四匹共孳

生本馬二萬八千五百六十九匹

內察哈爾左翼

百四十三匹察哈爾右翼牧放馬五千七百五十九匹厄魯特上三旗牧放馬七千二百一十四匹厄魯特下五旗牧放馬按立馬年限先後分爲三限

取孳謂之三年一均齊是每三年本馬三匹取孳

一匹統計每三年共取一歲至三歲孳生馬駒九

千五百二十四匹

歷年照例撥補撥運各項馬匹詳載報銷册案

截至嘉慶十三年七月止除照例撥補撥運各處應

用外現存孳生及新收各項馬匹共計一萬一千

零七十四匹

內察哈爾左翼官廠牧放備差駒馬

百匹另廠牧放備用兒駒馬二百一十一匹又跟

隨原孳駒馬放備用一歲兒駒馬二百零七匹察哈爾右

翼官廠牧放備用一歲兒駒馬二百零七匹察哈爾右

馬駒四匹跟隨原孳駒馬放備用一歲兒駒馬二百零七匹

一十九匹跟隨原孳駒馬放備用一歲兒駒馬二百零七匹

千二百七匹厄魯特上三旗官廠牧放備用一歲兒駒馬二百零七匹

另廠牧放兒駒馬三百零二匹跟隨原孳駒馬二百零七匹

放一歲兒駒馬三百零二匹跟隨原孳駒馬二百零七匹

官廠牧放兒駒馬三百零二匹跟隨原孳駒馬二百零七匹

兒馬駒九百九十四匹另牧放一歲兒駒馬三百零七匹

六十八匹跟隨原孳駒馬另牧放一歲兒駒馬三百零七匹

百零八匹

乾隆二十七年陸續由烏里雅蘇台等處並達什達

瓦厄魯特由熱河帶來孳生牛五千五百六十一
隻又陸續購買孳生牛一千五百七十六隻三十
一年起至五十八年將軍保寧

奏准爲止陸續收穫孳生乳牛七千七百零八隻除撥
給三千戶回子牧放抵補倒斃種地耕牛並不另
行取孳之三千隻牛外共孳生本牛一萬一千八
百四十五隻內察哈爾左翼牧放牛二千零七十
六隻察哈爾右翼牧放牛二千零八
十八隻厄魯特上三旗牧放牛二千四百八十三
隻厄魯特下五旗及沙畢納爾四佐領牧放牛共
四千零六十五隻回子牧放牛一千一百三十三
隻此項現已奏歸厄魯特約交上三旗四百下
五旗六百沙畢納爾按立牛年限先後分爲四限取
爾一百三十三隻

孳謂之四年一均齊是每四年本牛十隻取孳八
隻統計每四年共取一歲至四歲孳生牛犢九千
四百七十七隻歷年照例撥補撥運各
項牛隻詳載報銷冊案

截至嘉慶十三年七月止除照例撥補撥運各處應
用外現存孳生及購買哈薩克牛共計八千六百
八十二隻內察哈爾左翼官廠牧放備差犍牛六
百零一隻另廠牧放備用乳牛二百六
十隻跟隨原孳乳牛牧放三歲以下犍牛四百七
百二十七隻察哈爾右翼官廠備差犍牛四百七
十五隻另廠牧放備用乳牛四百三十隻跟隨原
孳乳牛牧放三歲以下犍牛七百二十二隻
厄魯特上三旗官廠牧放備差犍牛二百六十隻
另廠牧放備用乳牛四百零七隻跟隨原孳乳牛
牧放三歲以下犍牛七百二十二隻厄魯特
沙畢納爾下五旗官廠牧放備差犍牛一千三百

五十一隻另廠牧放備用乳牛四百七十九隻跟隨原孳乳牛牧放三歲以下抱乳牛犢一千六百七十三隻回子牧放跟隨原孳乳牛三歲以下抱乳牛犢四百七十五隻

乾隆二十六年陸續由烏里雅蘇台運到兒騾駝並備差駝內挑出孳生駝一千五百一十一隻三十一年起至嘉慶七年止陸續收獲孳生駝二千六百六十五隻共孳生本駝四千一百七十六隻內魯特上三旗牧放駝一千八百三十三隻厄魯特下五旗牧放駝二千三百四十三隻按立駝孳生定例分爲五限取孳謂之五年一均齊是每五年本駝十隻取孳四隻嘉慶七年起限扣至十二年限滿應行取孳因於嘉慶九年被災奏奉

恩旨再展一限扣至十七年限滿應收孳生駝羔一千六百七十二隻

官廠現截至嘉慶十三年七月止存備差駝一千五百九十三隻內厄魯特上三旗牧放駝六百零五隻下五旗牧放駝九百八十八隻

乾隆二十六年陸續由巴里坤烏里雅蘇台等處運到孳生羊八萬七千四百三十五隻二十八年起至三十七年止由口食羊內陸續挑出並購買哈薩克孳生羊五萬九千七百六十隻察哈爾厄魯特兩營共領孳生本羊一十四萬零六百九十五隻內察哈爾左翼牧放羊二萬八千二百八十七隻察哈爾右翼牧放羊二萬六千隻厄魯特上

三旗牧放羊二萬九千七百四十二隻厄魯特下
五旗及沙畢納爾四佐領牧放羊五萬六千六百
六十隻按立羊之年定爲一限取孳謂之一年一均
齊是每一年本羊十隻取孳三隻統計每一年其
取孳生一歲羊羔四萬二千二百一十一隻俱係
按限收取隨年搭放官兵口食之需後於乾隆五
十三年將軍保寧因按年所取察哈爾厄魯特孳
生羊羔將至一歲不堪搭放官兵口食

奏明於另廠牧放購買哈薩克大羊內五十四五八等
三年代察哈爾厄魯特放過兩城滿營及綠營官
兵等口食大羊共十三萬八千零七十隻
內察哈爾兩翼

大羊六萬一千零一十五隻除搭放綠營官兵並
該營代回子搭放官兵羊二萬八千四百四十一
隻外該營是應還羊三萬二千五百七十四隻厄
魯特八旗大羊七萬七千零五十五隻除搭放綠
營官兵羊二萬三千二百八十六隻外該
營實應還羊五萬三千七百六十九隻
截至嘉慶十三年七月止現存孳生口食羊
一歲至三歲
共五千八百五十隻

又另廠牧放購買哈薩克大羊一萬六千八百六十
五隻
內交察哈爾左翼牧放羊三千五百七十四隻
察哈爾右翼牧放羊三千六百一十隻厄魯特上三旗牧放羊四千三百八十三隻厄魯特下五旗牧放羊五千二百九十八隻

嘉慶八年因被災
恩賞過貧乏厄魯特並沙畢納爾等所取孳生兒騾馬駒

四千三百八十二匹內兒馬駒三千三百四十七匹
駝馬駒一千零三十五匹牛犢一千零九十六隻
內犏牛犢八百六十二隻乳牛犢二百三十四隻

此項牲畜當經開銷咨部

每年約估分撥馬牛數目 綠營屯田兒駝馬九十

匹犏牛一百三十五隻 綠營頭二兩起外委兵

丁補缺過伍騎操駝馬一百三十四匹不等 回

子種地補缺馬牛九百匹隻 烏魯木齊補缺騎

操駝馬五百九十二匹 此項馬准烏魯木齊咨文本年暫行停撥

內地各營補缺駝馬五六百匹至一千一二百匹

不等 烏魯木齊屯田台卡補缺兒駝馬一二百

匹至五六百匹不等 犏牛八十隻至一二百隻

不等 阿克蘇咨調補缺駝馬八十六匹犏牛二

十七隻 本處南北軍台補缺駝馬九十四匹犏牛

二十三隻 銅廠補缺兒駝馬三匹犏牛四隻

寶伊局補缺駝馬一匹 春秋二季致祭

山河廟宇祠堂等處供用犏牛二十隻 此外尚有

南路各回城咨調馬牛數目每年多寡不等

廠務成案

乾隆二十六年辦事大臣阿桂

奏定孳生羊隻分羣牧放永遠不准報銷倒斃每年每
羊十隻收孳生羊羔三隻此外有多孳者賞給牧
放之厄魯特人等若有虧缺亦着落伊等賠補庶
可加意牧養於伊等生計亦有裨益

乾隆二十七年准陝甘總督咨條例內開 上駟院

太僕寺所管游牧馬羣每年三年均齊一次不論騾
馬馬駒每三匹收孳生馬駒一匹等因照此章程
辦理

乾隆二十七年辦事大臣阿桂

奏定孳生駝隻五年一均齊每駝十隻收孳生駝羔四隻若多孳一至十十一至二十一隻以上者將管牧官兵照例獎賞缺孳者分別罰俸責懲

乾隆二十八年將軍明瑞

奏定孳生牛隻四年一均齊永遠不准報銷倒斃每牛十隻收孳生牛犢二隻

乾隆二十九年將軍明瑞

奏明伊犁牧放孳生羊隻有自各處調來者有本處購買哈薩克者各處運到羊內有途間孳生羊羔當

時另牧續挑入場者亦有口食羊內挑出作為孳生者又有應交羊隻之時駐防兵及投出之厄魯特等所到日期各有前後條欸繁冗取孳限期不齊恐日久不免生弊請將各部應交孳生羊隻擲前展後俱擲為一月每年每部落俱定為一限取孳此外馬牛取孳之限亦照此畫一辦理以歸簡易而杜弊混得

旨允行

自兩城駐防滿洲官兵陸續到齊以來每年夏秋六個月官兵六千員各每月各領口食羊一隻少領口食麵十五觔此項口食羊每年共需四萬二千餘隻俱由察哈爾厄魯特官兵所領前項孳生羊內按月如數撥給殊有苦累于嘉慶九年奏准其每羊一隻折交銀三錢兩營官兵俱免苦累矣

卷九

廠務成案

八

乾隆三十八年將軍伊勒圖

奏定每年青草茂盛時親往察哈爾厄魯特游牧查看
牧放特穆爾厥牲畜若馬牛駝隻臙壯倒斃不踰
定額將該營領隊大臣及牧放官員議叙給與紀
錄牧放兵丁於挑選處記名若馬牛駝隻臙欠倒
斃溢額將額外倒斃牲畜着落管厥官員分賠仍
叅奏議處其牧放兵丁從重責懲

嘉慶四年將軍保寧

奏定綠營屯兵一千八百名現在十八屯每屯給馬二
十匹牛六十隻每年馬按三分牛按一分五釐豁

銷在備差場撥補又種地回子六千戶撥給馬牛
以三分倒斃核計除回子領收三千孳生牛內應
交牛犢抵補一半其餘在備差場撥補又軍台十
二處原額馬三百零二匹牛一百五十八隻每年
馬按三分牛按一分五釐豁銷在備差場撥補
嘉慶八年將軍松筠

奏明伊犁土田肥潤可耕之地甚廣向因灌溉乏水未
經籌辦今設法疏渠引泉以資灌溉墾種業有成
效其應用牛隻請於官厥內賞借惠遠城八旗每
旗牛八十隻惠寧城八旗每旗牛四十隻責成各

該協領督率官兵盡心耕作以收兵農並習屯守
兼資之效得

旨允行

嘉慶九年三月將軍松筠

奏明孳生羊一事原係每兵分給羊二十五隻每年取
孳搭放兩城滿營官兵口食之需因年久倒斃甚
多厄魯特人等每年交納羊隻均係購買交納又
每年派往查邊坐卡及換防塔爾巴哈台此內無
牲畜厄魯特人等俱係僱馬當差去歲冬令該游
牧雪甚大今春又降大雪貧乏者千戶有餘情形

甚屬疲憊亟宜調劑查現有去歲收穫孳生馬四
千三百八十二匹牛一千零九十六隻仰懇

天恩賞給貧乏厄魯特等以裕生計再該部落孳生駝隻五
年一均齊取孳並懇展限一次奉

旨據松筠奏厄魯特部落人等此數年陸續被災度日情形
甚屬疲憊着加恩照松筠所請將去歲一年收穫馬四千
三百八十二匹牛一千零九十六隻分別賞給外其駝隻
亦着展限一次再行均齊取孳以示朕體恤被災貧乏厄
魯特之至意欽此是月將軍松筠又

奏言近年以來察哈爾生計貧乏與厄魯特相等其每年

應交搭放口食羊隻亦係購買交納甚為竭蹶且羊隻甚小不堪食用請將察哈爾厄魯特兩部落應交孳生羊每隻折交銀三錢既於伊等生計可免疲累而滿營官兵得銀三錢即可買麩三十觔食用實屬兩有裨益奉

旨察哈爾厄魯特兩部落兵丁每年應交口食羊隻著照所請准其每隻折交銀三錢以裕伊等生計欽此

卡倫

乾隆四十二年將軍伊勒圖

奏明伊犁卡倫令各營領隊大臣分營每年春秋二季各巡查所屬卡倫一次

錫伯營領隊大臣專轄大小卡倫十七座

固爾班托海卡倫

在惠遠城西南西距安達拉六十里

安達拉卡倫

西距沙布爾托海六十里

沙布爾托海卡倫

西距托里四十里

托里卡倫

西距瑪哈沁布拉克四十里

瑪哈沁布拉克卡倫

此係小卡倫西距春稽六十里

卡倫

土

春稽卡倫 西南距塔木哈八十里 以上

烏里雅蘇圖卡倫 此係小卡倫西北距沙布爾托

烏蘇七

額木訥察罕烏蘇卡倫 西距霍依圖察

霍依圖察罕烏蘇卡倫 此係小卡倫西距

塔木哈卡倫 東北距春稽八十里 以上

察罕托海卡倫 此係小卡倫西北距托賚圖八十里

厄齊圖卡倫 西距沙喇托

沙喇托羅海卡倫 此係小卡倫西距

厄楞莫多卡倫 此係小卡倫西南距哈

哈喇烏蘇色奇音卡倫 此係小卡倫西南距

察林多歡卡倫 西距春稽四十里 以上

乾隆五十四年將軍保寧奏明卡倫以外與哈薩克游牧接壤添設布克申以資防範其錫伯屯牧西南因有回子屯所每年夏秋酌派諸練伯克帶領回子二十名設卡倫於達爾達木圖屯所以資巡察

達爾達木圖卡倫 在錫伯沙布爾托海

索倫達虎爾領隊大臣專轄大小卡倫八座

霍爾果斯卡倫 在伊犁惠遠城西北

齊齊罕卡倫 北至奎屯

奎屯卡倫 北至博羅呼

博羅呼濟爾卡倫 西南至崆鄂羅鄂倫一百里

崆鄂羅鄂倫卡倫 此係小卡倫每年十月設四月撤西北至套來圖三十里

套來圖卡倫 此係小卡倫東南至輝發一百里

輝發卡倫 此係小卡倫每年九月設三月撤南至伊犁河北岸奇沁卡倫六十里

奇沁卡倫 南至南岸與錫伯所轄沙喇托羅海連界

察哈爾領隊大臣專轄大小卡倫二十三座

塔爾奇阿滿卡倫 惠遠城西北一百二十里東北距鄂博勒奇爾四十里

鄂博勒奇爾卡倫 東北距鄂博勒奇爾六十里

鄂勒齋圖博木卡倫 北距烏蘭布喇一百四十里

烏蘭布喇卡倫 東距綽倫古爾一百二十里

綽倫古爾卡倫 北距達爾達木圖三十里

達爾達木圖卡倫 此係小卡倫北距札克鄂博七十里

札克鄂博卡倫 此係小卡倫西北距哈布塔海五十里

哈布塔海卡倫 東北距音德爾圖五十里

音德爾圖卡倫 此係小卡倫西距烏柯克五十里

烏柯克卡倫 此係小卡倫西距沁達蘭六十里

沁達蘭卡倫 西距索達巴罕五十里

索達巴罕卡倫 西距冲庫克四十里

冲庫克卡倫 此係小卡倫西距哈喇烏卓爾一百里

哈喇烏卓爾卡倫 此係小卡倫西距阿爾奇圖哈瑪爾五十里

阿爾奇圖哈瑪爾卡倫此係小卡倫西距穆魯四十里

穆魯卡倫此係小卡倫西距沙喇布魯克三十里

沙喇布魯克卡倫此係小卡倫西距察奇爾圖呢蓋七十里

察奇爾圖泥蓋卡倫此係小卡倫西距庫庫托木一百里

庫庫托木卡倫西距察罕烏蘇六十里

察罕烏蘇卡倫此係小卡倫東南距雅瑪圖四十里

雅瑪圖卡倫此係小卡倫東南距鄂托克賽哩安達拉一百四十里

鄂托克賽哩安達拉卡倫東南距碩博圖五十里

碩博圖卡倫東南距鄂爾齊斯圖博木六十里

厄魯特領隊大臣專轄卡倫二十五座

特穆爾里克卡倫在伊犁惠遠城西南北至特穆爾里克渡口九十里

特穆爾里克渡口卡倫西至雅巴爾布拉克七十里

雅巴爾布拉克卡倫西至鄂博圖六十里

鄂博圖卡倫西南至額爾格圖五十里

額爾格圖卡倫西南至札拉圖六十里

札拉圖卡倫東南至哈爾奇喇渡口七十里

哈爾奇喇渡口卡倫東至庫圖勒六十里

庫圖勒卡倫南至格根五十里

格根卡倫東至鄂爾果珠勒七十里

鄂爾果珠勒卡倫西南至哈爾奇喇六十里

哈爾奇喇卡倫 東南至沙里雅斯七十里

沙里雅斯卡倫 東南至特克斯沁七十里

特克斯沁卡倫 東至敦達哈布八十里

敦達哈布哈克卡倫 東至伊克哈布七十里

伊克哈布哈克卡倫 東至察察九十里

察察卡倫 東至那林哈布四十里

那林哈布哈克卡倫 東與沙圖軍台接壤

嘉慶六年奉

旨保寧奏請將伊犁塔木哈特穆爾哩克兩處卡倫每年各季向外展放令厄魯特牧放牲畜一摺據稱厄魯特人等在伊犁居住四十餘年牲畜繁滋原給牧放之地漸形狹隘不敷牧放必須酌核寔在情形隨時調劑方於伊等生計有益現委領隊大臣松筠等查明塔木哈

特穆爾哩克兩處卡倫以外之地仍在界內其地雪小而溫暖水草俱佳若令厄魯特等牧放牲畜並無妨礙等語着照保寧所請每年冬季雪後將塔木哈卡倫展至察林河渡口地方特穆爾哩克卡倫展至鄂博圖口地方再於雅巴爾布拉克特穆爾哩克渡口額爾格圖札拉圖四處設立塔布圖以便合走開齊往來巡察准令厄魯特人等在所展卡倫照舊撤回原處其展放卡倫以後嚴飭管轄該部領隊大臣及卡倫官兵等將厄魯特妥為管束毋令私出卡倫滋事亦不得任聽哈薩克布魯特等私入卡倫偷竊厄魯特牲畜欽此

拜布拉克卡倫 東北至博托木七十里

博托木卡倫 東北至赤老圖九十里

赤老圖卡倫 東北至昌曼八十里

昌曼卡倫 在厄魯特游牧東南界喀喇沙爾東北至烏弩古特五十里

烏弩古特卡倫

東北至納喇特三十五里

納喇特卡倫

東北至博爾克阿曼六十里此即納喇特達巴罕

博爾克阿曼卡倫

在崆吉斯河北

惠寧城領隊大臣專轄卡倫七座

沙喇布喇克卡倫

在伊犁惠寧城東北至塔爾奇八十里

塔爾奇卡倫

東北至干珠罕一百一十里

干珠罕卡倫

東北至察哈爾屬之碩博圖卡七十里

庫庫哈瑪爾卡倫

在惠寧城東北北至庫庫鄂囉木一百里

庫庫鄂囉木卡倫

東北至鄂博勒齊爾一百里

鄂博勒齊爾卡倫

東與哈什圍場交界

固爾札渡口卡倫

在惠寧城南五十里伊犁河沿

所有分住卡倫侍衛俱係由京派來三年更換其

由本營派委藍翎侍衛及滿營佐領防禦驍騎校

等官並兵丁等俱三個月一換

會議卡倫成案

嘉慶十年正月將軍松筠以會議卡倫事務驗訊哈薩克命案並特叅冒昧官員請

旨革職分別枷責示懲以服外夷

奏言據哈薩克台吉伊巴克稟稱我屬下人戶夏秋游牧在阿拉克圖扈爾淖爾海子南岸冬春風雪極大附近卡倫人等往往躲避風雪私進卡倫循舊游牧懇乞代奏

大皇帝鴻慈以近卡倫舊日游牧處所於冬春賞給屬下人等游牧度命等語查伊犁北界卡倫地名沁達蘭

其塔爾巴哈台南界卡倫地名阿魯沁達蘭兩卡倫
互相遞籌巡查之路名曰開齊緣此開齊之路係乾
隆六十年向外新展者詢其由來因舊沁達蘭卡倫
虎狼時常塞路往往稽遲文報是以前任將軍明亮
將沁達蘭卡倫外展十數里是未展之前舊日卡倫
迤外向係哈薩克度冬游牧然卡倫既展未便因台
吉伊巴克所懇便行改移因查看山勢以現在沁達
蘭卡倫順山斜向東南有烏可克地方原設有小卡
一座若由此冬春與現在沁達蘭卡倫互相遞籌巡
查甚便自烏可克小卡向東北與哈布塔海阿魯沁

達蘭卡倫冬春遞籌原係舊日開齊巡查亦屬甚便
此大小卡倫迤外約容百餘戶人度冬且係伊等舊
日過冬處所可否賞給之處恭候

命下欽遵檄諭辦理等因欽奉

諭旨著松筠遇便諭知該台吉以此案業經奏明大皇帝
以官兵騷擾該將軍定擬罪名尙輕特降旨從重褫革
分別枷號等因詳悉傳諭俾其益知感畏松筠嗣後惟
當將該官兵等嚴行管束安分當差固不可巡防懈弛
亦不得肆行滋事爲要至所稱現在開齊之路原係乾
隆六十年新展卡倫迤內十數里向爲哈薩克度冬游

卷九
牧處所且據松筠等奏稱查看舊日卡倫地方巡查甚便著照所請將該處大小卡倫迤外約容百餘戶人處所賞給哈薩克冬春游牧以示懷柔松筠卽欽遵檄諭並將應辦事宜妥籌辦理欽此

十年三月將軍松筠以伏讀

諭諭欽遵辦理緣由具奏並奏明塔爾巴哈台叅贊大臣興肇將次交代回京新任叅贊果勒明阿約四五月間卽可到任年例五六月間親身前往察哈爾游牧查閱官羣馬匹其塔爾巴哈台厄魯特游牧官羣馬匹臨時果勒明阿當亦親往查閱兩處游牧相隔僅

有八站擬於本年夏間查馬之便行令果勒明阿同到交界處所既可巡查卡倫整飭邊防且可會面斟酌應辦事宜順便亦可鎮撫外夷惟有凜遵

訓旨一切妥籌辦理以期仰副

聖主諄諄教誡至意等因奉

硃批汝之心地純正操守清潔有何可諭惟姑息柔和不能振作是汝之大病亟須悛改切勿因循欽此

十年六月將軍松筠叅贊果勒明阿以會議卡倫奏言塔爾巴哈台所屬一帶卡倫之外距哈薩克游牧甚近每歲冬春雪大之際哈薩克移至卡倫開齊附

近游牧例不驅禁故每年秋季沿邊一帶哈薩克力能納租者令其稅馬爲租不惟窮小哈薩克等時有偷竊厄魯特牲畜情事倘厄魯特有竊盜哈薩克牲畜者甚是尤當嚴行懲辦不可徇官兵致有驕縱務須秉公辦理其哈薩克雖屬桀驁每遇偷去牲畜之時被官兵跼踪到某鄂托克地方明白交踪或哈薩克台吉或阿哈拉克齊等訪緝正賊務獲懲辦若竊去原馬不全尙應照數賠補凡派往拏賊官兵倘有任意在哈薩克游牧處所釀出無辜命案等件必將動是手之人立予正法並同行官兵分別重治其罪派往

硃批

甚是

硃批

是

拏賊官員等必帶誠實通事前往免其從中舞弊以服外夷之心其哈薩克私進卡倫之內偷竊牲畜之際緝拏時有敢拒捕者係賊該官兵等卽以鎗箭打射此爲卡倫以內而言設若官兵怠惰不行緝拏亦必重治其罪如哈薩克潛入卡倫度冬者官兵驅逐勿得過於威促倘致窮小哈薩克妻子羊羔受傷似非仰體我皇上懷柔至意自應從寬驅逐令其從容搬移官兵如有違者審明治罪又每歲由哈薩克內收取租馬一節欽遵

高宗純皇帝訓諭勿得多收是以每歲派往官兵皆當明白

曉諭若不體察哈薩克力能納否雖每圖多收馬匹亦不獎勵若有藉端騷擾哈薩克者亦即審訊重治其罪如此禁諭之後凡有差使派出官兵果能小心奮勉除酌量鼓勵辦理外倘有疎忽怠玩任意故違者即照原議叅奏治罪以示獎勵懲創如此明白曉諭官兵等遵行方於邊務有益將此入於交代歷任將軍並叅贊大臣永遠遵照辦理等因奉

硃批着照所請辦理欽此

此條每年由伊犁揀派換防官兵着兩城滿營檔及錫伯索倫察哈爾厄魯特四營檔房於官兵起程時遍為曉諭遵行

嘉慶十二年九月將軍松筠叅贊大臣愛星阿會訊哈薩克控案

奏言前因哈薩克公卓勒齊稟控台吉罕巴爾所屬拜吉格特之哈薩克潛在卡倫界內游牧偷竊牲畜一案當經奴才松筠

奏明於演圍之便順赴塔爾巴哈台會同妥為查辦一面檄調應訊人証去後茲奴才松筠未到之前三日奴才愛星阿業已接任九月十七日欽奉清字

諭旨卡倫之設原為禁止哈薩克私行出入茲拜吉格特哈薩克私入卡倫游牧偷竊木隆哈薩克牲畜致有稟

訖查辦之事是哈薩克轉賴卡倫替伊拏賊矣前此朕有所聞塔爾巴哈台西北卡倫內相沿有哈薩克游牧今卓勒齊以該部落哈薩克牲畜被拜吉格特哈薩克偷竊因欲進卡索取經卓勒齊阻止看來卓勒齊尙屬恭順平時哈薩克等或私進卡倫游牧或於外展卡倫之時並未驅逐淨盡潛匿山僻居住自必實有其事此次松筠於演圍之便順赴塔爾巴哈台查辦務應示以威重查明將卡倫以內哈薩克全行外逐整飭開齊並將竊去木隆哈薩克牲畜之拜吉格特賊犯查出照例辦理外至此項拜吉格特之哈薩克私住卡倫以內始

自何年其驅逐不力容留居住之叅贊領隊大臣並着查明叅奏愛星阿到塔爾巴哈台著達慶交代後卽行來京勿庸會辦等因欽此仰見我

皇上明鑒萬里

訓示周詳

奴才

等無任欽服遵卽傳喚哈薩克公卓勒齊

台吉罕巴爾並伊所屬人等當面質訊卓勒齊罕巴爾於接見之際頗知規矩率領頭人等向上跪請

大皇帝聖躬萬安

奴才

等嘉其恭順詢及被竊牲畜進卡

藏匿一節如果實有其事該事主彼時應向卡倫侍衛章京報明稟請進卡追尋或卽來城稟究斷無不

爲查辦之理何以徑赴伊犁控訴當據卓勒齊所屬頭人達爾札等供稱小的哈薩克等互相偷竊向係常有之事如能跟踪指明某處其該處頭人亦必查出給還事主無如拜吉格特之人潛住卡倫界內小的等馬匹被竊跟踪追尋及至開齊凜遵定例不敢逕入欲尋卡倫稟報無柰遍地蚊蠓人馬被其噬噉罔不奔回不信請問卡倫官兵伊等卡倫官馬因此倒斃甚多每逢撒卡時官兵常有租僱哈薩克駝隻馬匹馱載乘騎者卽其明証小的等牲畜被竊之際旣不能報知卡倫其跼踪不過數日渺然不見雖欲

來城稟訴而城中亦必查詢卡倫其卡倫處所旣未見踪小的等旣同謊報仍屬於事無益因此告知公卓勒齊意欲會集事主逕入開齊進山尋找偷家向其械鬪索馬當被卓勒齊攔阻不准擅入

天朝卡倫應卽稟請將軍查辦是以未稟叅贊大人等情

奴才等當卽查詢會住該處夏季卡倫官兵據稱蚊蠓情形果如所言其當差馬匹俱各圈在木棚每日犁明稍得牧放日出之際各馬自行歸入木棚周圍常用糞火烟燻馬方稍得住足以故常有倒斃屬寔租僱哈薩克駝馬亦屬實情

奴才

等說之台吉罕巴

爾所屬拜吉格特之哈薩克據其頭人邁瑪第敏等
供稱小的們部落每年秋冬春三季近依冬卡住牧
已有四十餘年每歲稅馬爲租夏令卡倫外展俱被
驅逐外徙當是時一遇風冷寒凍牲畜不無倒斃年
復一年貧苦日甚夏令外徙之際其有牲畜之家無
不隨時搬出其內或有缺乏牲畜之家即時難徙不
得不輾轉躲避潛入深山如此等落後者小的等寔
難保其必無如云私進卡倫可保斷無其事至卓勒
齊所控此等哈薩克偷竊牲畜進卡藏匿一節總須
指踪爲憑如其交踪真切小的頭人等無不查出如

數給還今伊等既不能指出確踪小的等豈能憑空
勒令誰爲還給牲畜現在夏卡已撤所有小的們拜
吉格特部落哈薩克俱在冬卡迤外游牧人數衆多
無從查其誰爲偷家嗣後倘有偷竊一經跟踪交明
務卽著追給主况小的拜吉格特部落亦曾被他木
隆人等偷過牲畜其時未能指明偷竊確踪者木隆
人等亦並未曾勒令誰爲給還只求查訊等情質之
卓勒齊所屬木隆頭目竟至無言可對案查哈薩克
互相偷竊向例不爲查辦今訊之兩造彼此俱有偷
竊情事而又並無憑據 奴才等訪查情形公卓勒齊

向來本與台吉罕巴爾不睦應卽誠飭剖斷以服兩造之心隨諭以

天朝定制如原告事無確據應卽治以誣告之罪若被告任意狡賴亦有分別治罪專條今卓勒齊爾之所屬被竊馬匹既已指控罕巴爾屬下偷竊及至當面質訊又並無憑據僅以蚊蠅太大不及報明卡倫爲辭殊屬支吾卽此便有應得之咎至罕巴爾爾之所屬近依卡倫住牧年久俱各應知法度爾之屬下果有窮苦事故不能卽時外徙者應令該管頭人設法挪措牲畜幫助搬移不宜潛入深山藏躲今爾等惟

以事主不能指出偷家現又已撤夏卡人俱游牧冬卡迤外礙難查找爲辭頗形狡賴卽此亦屬咎有應得但卓勒齊卽已禁阻所屬不准擅入開齊滋事而罕巴爾向未來城今一經傳喚刻卽前來聽斷尙俱恭順曉事且爾哈薩克向來互相偷竊彼此爭鬪原屬常有之事本將軍叅贊將此情節具奏

大皇帝似可邀

恩免究查舊案罕巴爾汝父台吉薩呢雅斯先年亦曾有稟訴馬匹被竊之事當有前任伊將軍巡閱之便來此曉諭定例如有被竊馬匹踪跡躡至卡倫開齊逕

行報明住卡官兵轉稟叅贊准令進卡追尋彼時爾卓勒齊亦曾前來面聆其事嗣後設有此等事件仍應遵照定例報明卡倫辦理至爾罕巴爾所屬拜吉格特之人斷不可假託事故潛匿開齊迤內互相偷竊滋事且爾等自乾隆年間陸續投誠以來既受

高宗純皇帝覆育之恩現又普荷

大皇帝生成之德自必同深感戴憶昔準噶爾暴悍時常欺壓爾等其種種情形爾之老年人自能備述若非天朝大兵蕩平準噶爾爾等焉得如此安生既得安生宜思守分彼此不可恃強爭勝試思當初此地強莫強

於準噶爾而今安在爾其知之各宜嚴管屬下哈薩克務使互相和睦永享

大皇帝覆育生成之福各宜凜遵慎勿有違當據卓勒齊罕巴爾及各頭人歡欣感激咸稱我等荒野牧處向未聞知如此教導今蒙將軍叅贊大人當面開示曉諭已深佩服情愿各息爭端彼此和睦嗣後惟有凜遵誠飭所屬哈薩克各使遵行言訖向上叩祝

大皇帝萬壽無疆察其辭色俱已悅服隨卽分別宴賚飭令各回游牧所有公卓勒齊台吉罕巴爾聯名呈遞感謝夷稟譯出並原字附摺呈

覽外伏查本年夏季展放卡倫所有哈薩克俱應盡力驅逐外徙何致仍有在卡內偷住者且此等偷住之事究竟始自何年奴才等遍詢住卡官兵俱係逐年更換並無能知舊事者必須向該哈薩克等追究方能得實隨詢之罕巴爾據稱當年聞有阿將軍奏令我等哈薩克歲歲稅馬為租准在夏季卡內過冬自此以後每當夏令展放卡倫之時即不能全數外徙蓋因我等哈薩克貧富不一其有牲畜之家並不用官兵驅逐俱各揀擇好水草處遠徙游牧且可躲避暑熱其牲畜甚少窮難之家因無往返搬移力量只得

輾轉躲藏一個月以待撤卡度冬如此已有四十餘年實在不敢隱飾等語是哈薩克潛住卡內之事已非一日誠如

聖明洞鑒 奴才等凜遵

訓諭體察情形緣西北一帶卡倫綿亘千數百里夏展冬撤哈薩克隨卡游牧歷年已久每於撤安冬卡之後卡內寔無哈薩克偷住惟每夏展放卡倫之際該管領隊大臣往復一月之間雖竭力搜查其山僻藏匿之窮難哈薩克究竟不能保其驅逐淨盡其內第三四五卡倫一名哈爾巴哈一名博果什一名阿布達

爾莫多近臨大河河名布崑哈薩克回語布崑卽係蚊蠓總名每年五六月間山雪消化衆水滙流入河沿岸冲刷水勢散漫是以每至夏令河水漲發蕩漾滿灘遍地蘆草蚊蠓極盛當是時巡查開齊官兵莫不胼胝涉水而行每年四月展放卡倫係在水發之前蚊蠓尙在未起及至八月撤卡水涸地乾蚊蠓漸已潛伏是以該管領隊大臣於四月八月展撤卡倫巡查之際不知蚊蠓情形其住卡官兵俱以兩月耐過便卽撤回權隱不報其難走開齊遺漏賊踪不問可知甚至多傷馬匹於撤卡時租僱哈薩克駝馬應

用尤屬不成事體應將因循不辦及失察哈薩克偷住卡內之歷任叅贊領隊大臣遵

旨叅辦案查塔爾巴哈台西北一帶設卡之初因有哈薩克入卡游牧時常逐出復來當經叅贊大臣烏勒登等陸續具

奏欽奉

高宗純皇帝諭旨交將軍阿桂妥議曉諭准令哈薩克內徙度冬游牧歲歲稅馬爲租厥後哈薩克如何於夏季展放卡倫之時潛住界內並究竟始自何年之處現雖查無考據但據台吉罕巴爾所訴年分核查總在

乾隆三十二年以後茲挨查至三十六年歷任叅贊大臣巴爾品安泰伊勒圖俱已物故計自三十八年七月爲始曾任叅贊者僅有慶桂永保貢楚克札布策拔克興肇果勒明阿及現在調任倉場侍郎達慶先後七人其專管卡倫之領隊大臣除已物故外現在僅有盛住庫蒙額及現任副都統銜安福三人相應請

旨查明各任年分久暫造冊咨部分別議處現已撤安冬卡領隊大臣安福挨查卡內實無偷住哈薩克惟夏季蚊蠅極盛之數座卡倫既屬難走開齊卽係任聽

哈薩克潛住卡內互相偷竊亦復成何事體奴才愛

星阿雖係甫經到任現同奴才松筠通行查詢該處

一帶山勢河道情形其八座卡倫內南曰濟莫色爾克曰烏里雅蘇圖北曰札噶蘇淖爾曰輝邁拉呼等四座卡倫仍應每夏照例展放外其中間四座卡倫曰哈爾巴哈曰博果什曰阿布達爾莫多曰霍通哈爾海一帶每年五六月間蚊蠅大起之際於稽察哈薩克潛住卡內偷竊馬匹等事盡屬虛文奴才等知之既詳未便稍涉因循應請將哈爾巴哈等四座夏季卡倫一移設於大烏里雅蘇圖一移設於特穆爾

綽爾霍一移設於阿拉善布拉克一移設於哈喇布喇並於適中處所酌設塔布圖小卡仍與南北原設夏季展放之濟莫爾色克等四座卡倫聯絡巡查合走開齊不但易於搜查潛住卡內之哈薩克跣看偷馬賊踪並於土爾扈特鄂羅斯私相貿遷等事稽察俱屬妥便奴才等公同酌議容俟來年夏初照例展放卡倫時奴才愛星阿同領隊大臣安福親身前往察勘情形妥為安設務使認真巡查開齊免致哈薩克仍前偷住卡內以期邊務永臻寧謐上副聖主委任再專管卡倫領隊大臣每遇巡查所帶官兵數

不滿百各處稽察未免差使不敷應請於明年為始每年於伊犁兵丁換防時添派一百名帶領巡查以資周遍如此辦理於卡倫一切事務實有裨益等因奉

硃批另有旨欽此

嘉慶十二年十一月將軍松筠叅贊大臣愛星阿復奏言欽奉

上諭松筠等奏詳訊哈薩克控案分別飭諭並查叅歷任失察之叅贊領隊大臣等情一摺此案卓勒齊稟控台吉罕巴爾所屬拜吉格特之哈薩克潛在卡內游牧偷

竊牲畜業經松筠等傳齊兩造人等當面質訊毫不能指出憑據惟稱夏令將卡外展之時有缺乏牲畜之家卽時難徒輾轉躲避潛入深山斷無私進卡座之事是此等偷竊牲畜原係移卡時潛行藏匿貧苦乏牲畜之人今事主旣不能指出確據而卓勒齊前經阻止所屬人等進卡索取此次傳喚仍卽率領頭人前來聽論情詞極爲恭順自可無庸治以誣告之罪嗣後每年夏季展卡時所有哈薩克惟當儘數驅逐外徙勿任仍有在卡內藏匿之事庶可免偷竊而杜訟端其從前驅逐不力容留居住之叅贊領隊大臣等事閱多年官非一任

應以年分久暫定獲咎之輕重著該將軍查明各任年分造册咨部分別議處餘依議欽此欽遵仰見我

皇上矜恤外夷杜絕訟端

訓示周詳無微不至跪讀之下不勝欽佩

奴才

松筠卽與

奴才 愛星阿札商仰蒙

聖主俯念哈薩克公卓勒齊台吉罕巴爾等遵奉剖斷情詞極爲恭順無庸究治伊等之罪

恩諭如此應卽發檄曉諭俾知感激除繕發檄諭使其各知頂感

聖主皇仁並令徧飭所屬頭人欽遵外至其偷竊興訟之

由誠如

聖諭原因歷年貧苦乏牲畜之哈薩克於外展卡倫之時
潛行藏匿所致所有奴才等請將夏季應展公座卡
倫內蚊蠓極大之四座卡倫擇地安設之處容奴才
愛星阿於來年夏間外展卡倫之時親身前往督同
該管卡倫領隊大臣相度安設務使住卡官兵易於
稽查嗣後每年夏季展卡時所有哈薩克惟當剴切
曉諭妥爲驅逐不使藏匿卡內以免偷竊而杜訟端
其從前驅逐不力之叅贊領隊大臣等業已查明各
任年分久暫造冊咨部遵

旨分別議處至

每年換防之便添派官兵百名現在已蒙

皇上恩允

奴才

愛星阿惟有盡心妥爲籌畫於展卡時查

其原住官兵倘有不敷卽以此項兵內酌撥以便稽
查而資周密務期於邊卡一帶永臻寧謐其百名官
兵所需口糧粟米由塔爾巴哈台倉貯餘糧內照例
開支至應得鹽菜銀兩由伊犁塔爾巴哈台兩處房
租項下支給按季造報核銷均可無庸另籌款項奴才
等彼此札商意見相同是否有當理合請

旨遵行等因奉

硃批依議辦理欽此

嘉慶十三年閏五月將軍松筠叅贊大臣愛星阿
 奏言塔爾巴哈台東北一帶夏季應設卡倫其內蚊蠓
 極大之四座卡倫奴才愛星阿遵照原定章程率同
 領隊大臣百順親往履勘俱已擇地安設並添塔布
 圖小卡以資合走開齊便於稽查惟原議不在移設
 之濟默爾色克卡倫地處山陰柴草俱無似應移設
 於博洛呼濟爾並於板廠溝地方安設塔布圖小卡
 合走開齊於稽查哈薩克出入最為有益奴才愛星
 阿百順於五月十六等日回城隨卽札商奴才松筠
 覆查濟默爾色克卡倫固應移設然其山梁有柴草

硃批

是

處仍宜每年夏季安設瞭台撥兵駐守巡查方足以
 資嚴密奴才等往復札商意見相同隨已酌撥官兵
 駐守巡查俟雪大封山之前仍卽撤回至蚊蠓極大
 之卡倫俱已移設善地卽可易走開齊嗣後倘有疎
 懈漏踪及被竊馬匹隱匿不報情弊應將住卡官兵
 查明嚴行叅辦分別治以應得之罪奉
 硃批依議辦理欽此

西陲總統事畧卷十

宮保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室賚寧安齋繪圖

前任吏部員外郎程振甲也園校刊

塔爾巴哈台事畧

塔爾巴哈台為西北極邊之域至

京師九千四百二十里舊為準噶爾游牧之地準噶爾
既平乾隆二十九年

命叅贊大臣綽勒多由烏魯木齊率綠營兵六百屯種雅爾
地方建城垣並派京健兩營兵駐劄防守三十一年
叅贊大臣阿桂奏言雅爾冬令雪大難以駐兵請移
進二百里于楚呼楚之地改築一城駐守

詔允所請卽今塔爾巴哈台名綏靖城東南距烏魯木齊十
五站一千一百二十里距庫爾喀喇烏蘇九站七百
餘里北界哈薩克部七十里西南距伊犁由軍台二
十七站約二千餘里由卡倫十七站約一千五百餘
里自塔爾巴哈台經烏魯木齊古城至科布多共三
十四站由塔爾巴哈台東北卡倫一帶至科布多界

之額爾齊斯河七百餘里設叅贊大臣管理兵屯夷
務屹爲邊陲重鎮其地爲天山北路歸伊犁將軍總
統今附叙其官制兵額糧餉屯田游牧之畧于篇
官制兵額

叅贊大臣一員

協辦領隊大臣一員專管巡察東路卡倫

專理游牧領隊大臣一員專管西路卡倫

印房糧餉駝馬三處司員三員

管糧事理撫民廳一員

卡倫侍衛十二員內管理軍台一員管理營務處一

員

伊犁換防滿營 協領委營長一員 佐領委副營

長一員 佐領委叅領三員 防禦委叅領三員

驍騎校七員 兵七百名

伊犁換防錫伯營 佐領委營長一員 驍騎校委

叅領一員 兵一百名

以上官兵均二年一換每年換一半

伊犁換防索倫營 驍騎校委叅領一員 兵一百

名

伊犁換防察哈爾營 佐領委營長一員 驍騎校

委叅領一員 兵一百五十名

伊犁換防厄魯特營 佐領委營長一員 驍騎校

委叅領一員 兵一百五十名 回子通事莫洛二

名 繙譯回子字話者謂之莫洛

以上官兵均一年一換

又嘉慶十二年

奏明添派兵一百名

總理屯務綠營官一員 或副將或叅將不一 協理屯務兼管城

守營一員 或遊擊或都司守備不一 分理屯務二員 或都司或千

總九員 經制外委八員 兵八百名內馬兵一百

六十六名步兵六百三十四名

以上綠營官兵均由甘省派調內總理屯務一員照防缺之例三年一換其營屯以下官兵均照屯缺例五年一換

糧餉

一每年叅贊領隊大臣暨侍衛等官員估需養廉鹽菜銀五千餘兩

一每歲伊犁換防各營官兵估需鹽菜銀二萬五千六百餘兩

一每歲綠營屯田官兵估需鹽菜銀一千四百餘兩

一每歲巴爾魯克額魯特察哈爾游牧官兵估需俸餉錢糧銀七千五百餘兩

一每歲官兵請買綢緞茶封布疋約價銀三千三百兩

一每年由內地預調綢緞數千疋備換哈薩克牲畜暨官兵請買之用

一每年由肅州預調茶葉三千封

一每年由伊犁額運回布一萬五千疋購買哈薩克牲畜及官兵購買之用

一每年由內地調取藥材七十餘觔

一 每年估調經費銀約四萬二三千兩

一 清漢檔房額設工食十分每分銀四兩八錢按月給發

一 每歲約收官兵分買殘廢馬牛羊隻價銀一千五百兩

一 每歲約收房租銀一千二百兩

一 每歲約收牛羊稅銀一千四百兩

一 每歲約收商民菜園地租銀二百餘兩

一 每歲約收煤價銀二百餘兩

一 每歲約收麩價銀二百餘兩

一 每歲收綠營屯田兵請買白麪價銀二百二十五兩

一 每歲約收官兵請買藥材銀六七兩

一 每年屯田約收糧一萬四千六七百石

一 每年發遣潰兵屯田約收糧五六百石

一 每年約需動用糧一萬二三千石

一 搭放官兵口食羊隻每隻抵口糧十五觔又每年厄魯特

應交烏魯木齊官兵口食羊隻于嘉慶十五年五月內將軍晉昌等遵旨照伊犁折價之例會議奏准每羊一隻折交銀四錢

屯工原共七處種地兵五百名嘉慶十三年奏調烏

魯木齊兵二百名於十四年派往十五年種地交糧

每名種地二十畝

嘉慶十三年八月將軍松筠等

奏言前奉

諭

塔爾巴哈台撥兵加屯准於烏魯木齊提屬各營撤
屯歸操兵內調撥二百名赴塔爾巴哈台屯種其如何
詳立章程定期調撥之處着松筠會同和寧詳保悉心
委員具奏等因欽此奴才等遵即會商妥議此項調撥
屯兵二名因欽此奴才等遵即會商妥議此項調撥
應先就山伐木建蓋房屋止後定期起程既到屯所
耕作現經提督定柱擬以所屬中左右三營撥兵二
百名酌派三年更換一員千把經制外委各一員額外
委四名派守備一員千把經制外委各一員額外
糧外尚須接濟製裝等項現准提督定柱移稱該營
庫內貯有通融備借銀三萬兩請於此項銀內援照
從前辦過成案酌量現在情形守備借銀八兩兵一
把借銀各四十兩以資製辦行裝所借銀兩即於該官兵
名借銀十兩以資製辦行裝所借銀兩即於該官兵

本營應領俸餉內分爲二年按季叩還報部備查其
到塔爾巴哈台後應領口糧照例由倉支領至按月
應得鹽菜一項每年約需銀二千數百兩如才和寧
查鎮道庫存貯經費銀兩除每年支發各項外尚
有盈餘足敷此項屯兵鹽菜之需應請於明年爲始
所撥屯兵例需鹽菜銀兩每年即由鎮道庫經費
項下如數解往以備支放所有撥解支放銀兩庫數
每年由烏魯木齊塔爾巴哈台兩處造冊咨報戶部
核銷以上需用各款均毋庸另由內地請餉至屯荒
鐵即令該州一切鐵器農具現在由內地請餉至屯荒
所需耕牛應由塔爾巴哈台官廠照例撥給其種地
銷又建蓋官房間拉運木料應需牛隻亦由官廠
酌量撥給不准倒斃用畢仍還官廠如才等核計官
兵來年春暖起程到彼伐木蓋房製造木器等具祇
能於白露前後趕種次年應收之秋麥是於嘉慶十
五年方可普行耕種又屯兵農隙操演所需軍伙器
械號衣號帽等項俱由提督定柱按例如數撥給帶
往備用奴才松筠和寧遵
旨悉心妥議適奴才祥保俱已晤面熟商意見相同爲此

卷十 塔爾巴哈台事畧 六

合詞繕摺具奏奉
硃批依議辦理該部知道欽此

城東北至額爾齊斯河界夏季設卡倫十三座

烏里雅蘇圖卡倫 在城北七十里東北三十里至楚呼
楚山根又向東南至板廠溝三十里

哈瑪爾達巴罕卡倫 在烏里雅
蘇圖之北

板廠溝卡倫 東北至博洛呼
濟爾七十里

博洛呼濟爾卡倫 北至固爾班烏里
雅蘇圖七十里

固爾班烏里雅蘇圖卡倫 東北至哈達
蘇六十里

哈達蘇卡倫 東北至特莫綽
爾霍六十里

特莫綽爾霍卡倫 北至哈拉布
拉七十里

哈拉布拉卡倫 西北至干濟漢
莫多九十里

干濟漢莫多卡倫 西北四十餘里回繞葦湖向
東至喜呢烏蘇又二十餘里

喜呢烏蘇卡倫 東北至策克德
克果勒約百里

策克德克果勒卡倫 東北至札哈蘇
淖爾約八十里

札哈蘇淖爾卡倫 東北至輝邁拉虎約八十里以
上卡倫九座嘉慶十三年奏

明改設

輝邁拉虎卡倫 臨額爾齊
斯河西岸

冬季設卡倫八座

錫伯圖卡倫 在城北一百里東北至
博勒濟爾一百二十里

博勒濟爾卡倫 東北至布爾噶
素台六十里

布爾噶素台卡倫 東北至烏蘭
布八十里

烏蘭布拉卡倫

東北至俄棟果勒九十里

俄棟果勒卡倫

東北至烏里雅素圖六十里

烏里雅素圖卡倫

東北至鄂倫布拉克一百里

鄂倫布拉克卡倫

東北至瑪呢圖噶圖勒干一百二十里

瑪呢圖噶圖勒干卡倫

在額爾齊斯河下游南岸

西南至伊犁界卡倫八座

巴克圖卡倫

在城西七十里西南至瑪呢圖六十里

瑪呢圖卡倫

西南至沙喇布拉克九十里

沙喇布拉克卡倫

西南至察罕托輝九十里

察罕托輝卡倫

西南至額爾格圖八十里

額爾格圖卡倫

西南至巴爾魯克九十里

巴爾魯克卡倫

西南至莫多巴爾魯克九十里

莫多巴爾魯克卡倫

西南至阿魯沁達蘭一百里

阿魯沁達蘭卡倫

南至伊犁屬之哈布塔垓卡倫一百二十里

以上卡倫近界哈薩克游牧

厄魯特游牧在城東南巴爾魯克毛海柯凌賽爾等

處距城百餘里夏季挪於雅瑪圖策勒克等處距城

二三百里編為六佐領 總管一員 副總管一員

佐領六員 驍騎校六員 世襲雲騎尉一員 筆

帖式一員 披甲兵二百二十八名 半分披甲兵

二十二名

察哈爾游牧在城東南二百餘里拜興圖一帶地方
冬夏挪移不定編爲一佐領 佐領一員 驍騎校
一員 筆帖式一員 領催四名 披甲兵一百六
十七名

投誠哈薩克自乾隆三十年起陸續投來哈薩克九
十三戶計七百餘口四十三年叅贊大臣慶桂
奏明設立佐領一員驍騎校一員領催四名管束仍屬
厄魯特總管統轄四十四年奉

旨嗣後如有哈薩克投誠前來者毋得收納卽行駁止

土爾扈特游牧在城東六百餘里霍博克賽里地方
乾隆三十六年由伊犁撥來游牧居住 盟長親王
一員 副盟長札薩克輔國公一員 札薩克公品
級頭等台吉一員 二品閑散台吉無額 四品閑
散台吉無額 護衛二十員 長史一員 典儀二
員 旗總三員 副旗總三員 叅領四員 佐領
十五員 驍騎校十五員 領催五十八名 戶長
一百五名

烏魯木齊所屬事畧

烏魯木齊至

京師八千六百里東界哈密西界伊犁南界喀喇沙爾
北界科布多及塔爾巴哈台以城建紅山之麓俗以
紅廟呼之唐置北庭都護府于此準噶爾時以烏魯
木齊爲游牧雍正年間大軍由哈密進屯巴里坤及
土魯番尙未得烏魯木齊而有之乾隆二十年準噶
爾平烏魯木齊始入版圖築城堡置郡縣開屯田列
兵防設都統總蒞其事兼轄文武滿漢各官經制大
備至今因之都統所駐曰鞏寧城城東八里曰迪化

城夾河對峙提督駐之其東北路城堡凡十五曰惠
徠堡爲六道灣中營屯曰屢豐堡爲七道灣中營屯
曰輯懷城爲古牧地中營屯曰阜康城爲阜康縣治
曰惠來堡爲濟木薩三台曰育昌堡在雙岔河曰時
和堡在柳樹溝曰愷安城爲濟木薩縣丞治曰保惠
城爲叅將所駐曰孚遠城卽古城領隊大臣駐之又
有遊擊巡檢所駐一城曰靖寧城爲奇台縣治曰木
壘城爲守備所駐曰會寧城卽巴里坤領隊大臣駐
之曰鎮西城爲知府及宜和縣治總兵駐之西路城
堡凡十六曰宣仁堡爲中營頭工曰懷義堡爲中營

二工曰頭屯所千總堡曰寧遠城爲昌吉縣治曰寶
昌堡爲左營屯工曰樂全堡曰蘆草溝所千總堡曰
景化城爲呼圖壁巡檢治曰康吉城爲綏來縣治曰
綏寧城爲瑪納斯右營都司所駐曰綏來堡曰靖遠
關曰慶綏城卽庫爾喀喇烏蘇領隊大臣駐之曰遂
城堡曰安阜城爲精河都司所駐曰豐潤堡南路祇
三城曰嘉德城爲喀喇巴爾噶遜千總所駐曰廣安
城卽土魯番領隊大臣駐之曰闢展巡檢城凡此三
十六城堡之地肥瘠不一然皆平曠䟽衍可灌溉宜
種植樹藝之事境內古蹟有漢永和二年敦煌太守

裴岑碑唐貞觀十四年行軍總管薛萬均副總管姜行本討高昌碑至今尚存自設都統撫治以來邊圉救寧兵民生聚日繁商賈輻輳百物灌輸爲關外北路一大都會莫不涵濡

聖化頌太平於無疆焉其地雖爲都統專轄而伊犁將軍總統南北兩路烏魯木齊爲北路在總統之中不可不有以紀之今就其事之大者若官制兵額俸餉屯田馬政換防會哨台站卡倫一一附叙其畧

官制兵額

都統一員 駐鞏寧城管理烏魯木齊巴里坤古城土魯番庫爾喀喇烏蘇等處地方滿漢官兵

之事

印房糧餉駝馬三處司官三員 筆帖式三員 委

筆帖式八員

烏魯木齊滿營領隊大臣一員 協領六員 佐領

二十四員 防禦二十四員 驍騎校二十四員

筆帖式二員 兵三千三百七十六名

巴里坤滿營領隊大臣一員 協領二員 佐領八

員 防禦八員 驍騎校八員 筆帖式一員

委筆帖式二員 兵一千零八十四名

古城滿營領隊大臣一員 協領二員 佐領八員

防禦八員 驍騎校八員 筆帖式一員 委筆帖式二員 兵一千零八十四名

土魯番滿營領隊大臣一員 協領二員 佐領四員 防禦四員 驍騎校四員 筆帖式一員

委筆帖式二員 兵五百六十四名

庫爾喀喇烏蘇辦事領隊大臣一員 管理游牧濟爾哈朗之土爾扈

特及庫屯精河二處屯田 筆帖式一員 委筆帖式二員

鎮迪糧務兵備道一員 駐鞏寧城轄府一州一縣五廳二糧員三

鎮西府知府一員 轄縣二 教授一員 學額四名 經歷一員

宜和縣知縣一員 訓導一員 學額四名 典史一員

奇台縣知縣一員 訓導一員 學額四名 典史一員 古城巡檢一員

直隸迪化州知州一員 駐鞏寧城轄縣三 學正一員 學額四名

吏目一員 巡檢一員 駐迪化城 頭屯所千總一員

昌吉縣知縣一員 訓導一員 學額四名 典史一員 呼圖壁巡檢一員

蘆草溝所千總一員

綏來縣知縣一員 訓導一員 學額四名 典史一員 塔西河所千總一員

阜康縣知縣一員

訓導一員 學額四名 典史一員 濟木薩縣丞一員

理事通判一員 駐鞏寧城

土魯番同知一員 巡檢一員 闡展巡檢一員

庫爾喀喇烏蘇糧員一員 精河糧員一員 喀喇

巴爾噶遜糧員一員

提督一員 駐迪化城管理烏魯木齊提標四營並瑪

納斯濟木薩庫爾喀喇烏蘇精河鞏寧城

中營叅將一員 守備一員 千總二員 把總四

員 經制外委五員 馬步兵九百四十九名

屯兵五百名

城守營都司一員 守備一員 千總二員 把總

四員 經制外委六員 馬步兵一千名

左營 駐昌吉縣城 遊擊一員 守備一員 千總二員

把總四員 經制外委六員 馬步兵九百四十

九名 屯兵五百名

右營 駐呼圖壁城 都司一員 守備一員 千總二員

把總四員 經制外委六員 馬步兵九百四十

九名 屯兵五百名

鞏寧城守營都司一員 千總一員 把總一員

經制外委二員 馬步兵三百名

瑪納斯協副將一員 管左右營事

左營都司一員 守備一員 千總二員 把總四員
 經制外委四員 馬步兵七百九十四名
 右營都司一員 守備一員 千總二員 把總三員
 經制外委六員 馬步兵七百九十三名
 庫爾喀喇烏蘇營遊擊一員 守備一員 千總二員
 把總二員 經制外委四員 馬步兵六百
 名 屯兵一百二十名
 精河營都司一員 千總一員 把總二員 經制
 外委二員 馬步兵四百名 屯兵六十名
 濟木薩營叅將一員 守備一員 千總二員 把

總四員 經制外委八員 馬步兵九百九名
 喀喇巴爾噶遜營千總一員 把總二員 經制外
 委二員 馬步兵三百名
 巴里坤鎮總兵一員 駐鎮西城管理鎮標四營並
 哈密古城木壘等營官兵
 中營遊擊一員 守備一員 千總二員 把總四
 員 經制外委六員 馬步兵六百五十三名
 左營遊擊一員 守備一員 千總二員 把總四
 員 經制外委六員 馬步兵六百五十名
 右營遊擊一員 守備一員 千總二員 把總四
 員 經制外委六員

屯兵五百名

城守營都司一員 千總一員 把總二員 經制

外委二員 馬步兵一百八十四名

古城營遊擊一員 千總一員 把總一員 經制

外委四員 馬步兵四百零五名 屯兵五百名

木壘營守備一員 把總二員 經制外委二員

馬步兵三百名 屯兵一百五十名

哈密協副將一員 都司二員 千總二員 把總

六員 經制外委六員 馬步兵八百三十名

土魯番屯田遊擊一員 守備一員 千總四員

把總三員 經制外委七員 屯田兵七百名

土魯番聽差都司一員 守備一員 千總四員

把總四員 經制外委八員 差兵三百三十名

以上二項官兵五年一次
更換由內地各營酌派

俸餉

一烏魯木齊巴里坤古城土魯番滿營官兵歲需俸

餉隨甲折色鹽菜紅白事等項銀共四十三萬五

千餘兩

一文職俸廉及提標鎮標綠營官兵歲需俸餉馬乾

料折公費紅白事等項銀共六十五萬二千餘兩

二共一百零八萬七千餘兩

屯田馬政

一提標中左右三營庫爾喀喇烏蘇精河鎮屬右營
古城木壘土魯番屯兵原種地共十萬餘畝

一屯田兵丁收成分數於乾隆五十年經都統常青
奏准按所屬各處實在情形酌中定議烏魯木齊及土
魯番庫爾喀喇烏蘇巴里坤均照舊定章程收穫
十二石以上功過相抵十五石以上議叙加賞古
城吉布庫十五石以上功過相抵十八石以上議
叙加賞

一烏魯木齊巴里坤古城土魯番滿營馬及換防軍
台卡倫馬共四千八百餘匹

一提標鎮標各營官例馬及兵丁營馬塘撥馬共五
千六百餘匹

二共馬一萬零四百餘匹

一提標各營應行補缺馬匹年內查明數目咨明伊
犁將買獲哈薩克及廠牧馬內照數扣留于次年
四五月間遣弁赴領

一鎮標所屬應行補缺馬匹在該處孳生馬內撥補
一各處屯田台卡補缺馬牛數目於四五月間先行

咨明伊犁侯派員解送預先飭知經過應補地方就近截畱餘解本處分撥

一伊犁解送內地各營補缺馬匹至烏魯木齊另派官兵接解交巴里坤轉送

一巴里坤孳生馬廠三處皆總兵專轄左營遊擊管東廠五羣古城遊擊管西廠五羣木壘守備亦管

五羣每羣分牧馬一千二三百匹不等又孳生駝廠一處亦總兵專轄

換防會哨

一南路各回城換防官兵由烏魯木齊作為春秋兩

班派往三年更換春班應派喀什噶爾佐領一員

防禦一員驍騎校一員兵一千七百名貼寫兵六

名由烏魯木齊派往葉爾羌佐領一員驍騎校一員兵一

百名由巴里坤派往烏什佐領一員防禦二員驍騎校一

員兵一百三十名由古城派往秋班應派喀什噶爾協

領一員防禦一員驍騎校二員兵二百三十名貼

寫兵十名由烏魯木齊派往葉爾羌防禦一員兵六十名

由土魯番派往驍騎校一員兵四十名由古城派往又貼寫兵

十一名由烏魯木齊派往烏什防禦一員驍騎校一員兵

七十名由巴里坤派往又貼寫兵十三名由烏魯木齊派往此外

有庫車喀喇沙爾貼寫兵丁俱由烏魯木齊派往至英吉沙

爾和闐阿克蘇換防官兵貼寫人等由喀什噶爾

葉爾羌烏什官兵數內各自撥往

一每四仲月古城差派官兵赴瑚圖斯地方與科布

多官兵會哨

一每年春季巴里坤差派官兵赴都蘭哈喇地方與

科布多官兵會哨

台站卡倫

一安設軍台共四十三處內提標左營所轄者二鄂

拜星 昂吉 喀喇巴爾噶遜營所轄者二 喀喇巴爾噶遜

白楊河 中營所轄者二哈畢爾漢布拉克右營所轄

者二洛克倫 呼圖壁 瑪納斯協所轄者四圖古里克 瑪

蘇安 濟海庫爾喀喇烏蘇所轄者十奎屯 烏蘭烏

車牌子 圖布拉克接搭爾巴哈台界鄂倫布拉克 烏爾

喀喇烏蘇 犁界布爾噶齊 墩木達 古爾圖接伊

精河營所轄者五托多克 噶順腰站精河

土魯番所轄者八沁 關展 蘇魯圖七克騰

木接巴里坤界西路至布幹台巴里坤鎮所轄

者八鹽池 惠井子 腰站 梧桐窩 托賴井子

每台或筆帖式或把總外委駐之兵丁二三名至

二十名不等每年底委滿營官一員挨台查驗一次

一安設卡倫共八十處內滿營城守營所設者十四

沙喇托輝 烏什城 圖古里克 洛克倫 昌吉 阿爾

哈特 烏什城 山岔河 澤塔坂 大卡子溝

添棚溝 板窩溝 大西溝 瑪納斯左右兩營所

水西溝 紅查山口 呼圖壁 牛莊子 博羅通

設者十四 達子橋 道橋子 沙棗園子 瑪納斯

山口 哈濟克 達子廟 三岔口 頭道河子

塔西河 沙門子 陸小章莊子 柏楊河 車

庫爾喀噶烏蘇所設者五 滋泥泉 蔡家莊子 奎

屯河 喀喇巴爾噶遜營所設者三 紅山嘴 後溝

沿子 喀喇巴爾噶遜營所設者三 紅山嘴 後溝

濟木薩所設者五 大泉 沙山子 火燒溝 雙

古城滿漢營所設者六 下八戶 素必口 牛圈

拉克及蘇吉兩塘卡與科布多所屬之鄂倫布拉

克相接每年九月安設次年三月停止

木壘營所設者一 白山 巴里坤鎮標三營所設者

三 噶順溝 七個井子 巴里坤城守營所設者四

北木城 駱駝圈 哈密營所設者十九 河源小堡

尖山子 鏡兒泉 烏克兒 頭道溝 廟兒溝

哈什布拉 三間房 南山口 柵門口 截塔

坂 柳樹溝 葫蘆溝 南山口 柵門口 三

道柵 瑚吉爾太 上莫艾 土葫蘆 土魯番所

葦子硤 一碗水 鹹水硤 鹽池 東呵呵雅爾

設者六 伊拉里 西呵呵雅爾 了頭溝

每卡倫或防禦領催或千總外委及廢員駐之兵

丁四五名至二十名不等

烏魯木齊所屬事畧

三十

特通安集延霍罕巴達克山諸部其地爲西域南路
極邊卽漢疏勒國班超駐兵之所喀什初也噶爾剗
也譯言此地乃初剗也喀什噶爾之南爲英吉沙爾
外番各國至回疆者必由此入爲漢依耐國地英吉
譯言新沙爾城也喀什噶爾之東爲葉爾羌卽漢莎
車國北魏渠莎國葉爾譯言土宇奇木急讀爲羌言
廣大也葉爾羌之東南爲和闐卽漢于闐國回人稱
漢人爲黑台和闐卽黑台之訛漢任尙曾棄其衆于
此故名葉爾羌之東爲阿克蘇自漢及魏皆爲溫宿
國回疆第一衝繁之區阿克謂白蘇謂水以河色白

而名之阿克蘇之西北爲烏什漢尉頭國地依山爲
城其稱烏什猶言峯巒飛聳也阿克蘇之東北爲庫
車卽漢龜茲國唐於此置安西都護府庫車猶言衞
術蓋以其地爲西南達回部之要路故有此名庫車
之東北爲喀什沙爾漢焉耆國地喀什謂黑沙爾城
也喀什沙爾之東北爲土魯番土魯番之東爲哈密
自哈密土魯番而西達八大城纏頭回衆聚族而居
故稱回疆自戡定以來迄今幾五十年各城回民仰
沐

深仁厚澤休養生息墾種納賦與腹地編民無異凡一切

同務統歸叅贊大臣總轄其地土田饒沃灌溉有資
所至回莊村落大小不一以其在天山之南與北路
之伊犁烏魯木齊塔爾巴哈台遙遙相對故稱南路
亦在伊犁將軍總統之中謹叙其官制兵防台卡俸
餉之畧而仍按八城分載於後

喀什噶爾

叅贊大臣一員

總辦八大城事務

辦事大臣一員

專理喀什噶爾及英吉沙爾事務

印房回務處經牧處糧餉局章京各一員 筆帖式

四員 委筆帖式九員

侍衛十八員

滿營協領一員 佐領一員 防禦一員 驍騎校

三員

綠營副將一員 遊擊一員 千總三員 把總三

員 經制外委六員

聽差都司守備二員

滿洲駐防兵四百名

綠營駐防兵六百名

軍台六處

喀什噶爾底台
爾托布拉克

庫森塔斯渾
察木倫 又戈壁腰站

一處接葉爾羌之
喀喇布札什台止

大小卡倫十七處 巴爾昌 伊蘭烏瓦斯 冲布爾罕 七里克 伊爾斯里克 阿爾
哈布拉克 圖舒克塔什 勒沁烏瓦斯 喀琅
圭 克爾拜 烏蘭烏蘇 烏帕拉特 蘇巴什
郭爾吉罕 玉都巴什 克博都魯克 米奇

英吉沙爾

領隊大臣一員 兼管卡倫 筆帖式一員 委筆帖式

四員

滿營防禦一員 綠營遊擊一員 千總一員 把

總一員 經制外委二員

滿營兵八十名 綠營兵二百一十七名

大小卡倫十二處 鐵列克 奇克滿 烏魯克 爾多籠 空伊布拉克 托依洛

克 特比斯 綽達雅爾 特爾格齊克 達卜
薩 圖木舒克 汗達喇克 以上侍衛俱由喀
什噶爾派 撥更換

葉爾羌

辦事大臣一員 協辦大臣一員

印房章京二員 糧餉局章京一員 筆帖式二員

委筆帖式七員

侍衛十三員 住卡倫七員在城聽差五員輪流更換

滿營佐領二員 驍騎校二員

綠營副將一員 遊擊一員 都司二員 千總三

員 把總六員 經制外委九員

滿營兵二百名

綠營兵六百七十三名

軍台十三處

喀喇布札什西接英吉沙爾腰站愛

爾阿克薩克瑪拉爾皮產里克邁那特阿朗格

巴爾楚克庫庫車爾洪阿拉克海南木橋

克滿伊勒都東接阿
克蘇所屬之都奇台止
卡倫四處 梁噶爾 伙什喇卜 庫庫雅爾 玉喇

和闐

辦事大臣二員 委章京一員 筆帖式一員 委

筆帖式二員 軍台委筆帖式三員 貼寫滿兵

四名

綠營都司一員 千總一員 把總二員 經制外

委二員

綠營兵二百三十三名

軍台七處 和闐底台 雜瓦 披雅爾滿 滾得里

羌

卡倫十三處 東西河安設十二處 札瑪爾一處通

烏什

辦事大臣一員 印房糧餉局章京二員 筆帖式

二員 委筆帖式四員 額外委筆帖式九員

從九未入流職銜九員

侍衛六員

滿營佐領一員 防禦一員 驍騎校一員

城守營署都司一員 守備一員 千總一員 把

總三員 經制外委七員

屯田叅將一員 守備二員 千總二員 把總一

員

滿營兵一百四十六名

綠營兵六百七十名 屯田兵二百五十名

管理硝局派千總一員專司其事兵丁二十五名

軍台三處 烏什底台 阿克蘇止 阿察塔克 察哈拉克東至

卡倫六處 巴什雅哈瑪 畢底爾 沙土 雅滿素 貢古魯克 畢得克里

阿克蘇

辦事大臣一員 糧餉章京一員 筆帖式一員

委筆帖式三員 貼寫滿兵五名

滿營佐領一員 防禦一員 驍騎校一員

綠營遊擊一員 千總二員 把總二員 經制外

委二員

管理銅廠遊擊一員 把總一員 經制外委二員

管理錢局把總二員 糧員監造

滿營兵六十名

綠營兵二百六十五名 銅廠兵二百九十八名

錢局兵六十名

河道渡船五處 托什罕 瑚瑪喇克 湯納哈克

軍台十一處 都奇特 洋阿里克 渾巴什 阿克

蘇底台 札木 拜城 賽里木 河色爾

齊克 鄂玉斯塘台 接庫車止 卡倫二處 阿爾通伙什 尼雜爾阿塔

庫車

辦事大臣一員 印房糧務章京二員 筆帖式二

員 委筆帖式三員

綠營遊擊一員 千總一員 把總二員 經制外

委三員 兵三百名

綠營遊擊一員 千總一員 把總二員 經制外

委三員 兵三百名

軍台十處 庫車底台 托和奈 阿爾巴特 布古

喇布拉克 庫爾勒 哈爾哈阿滿接喀喇沙爾

卡倫五處 博勒奇爾 渭宦塔什里克 沙爾達朗

喀喇沙爾

辦事大臣一員 印房糧餉章京二員 管理夷回

章京一員 筆帖式三員 委筆帖式五員

城守營遊擊一員 把總二員 外委五員

喀喇沙爾屯田都司一員 把總二員 經制外委

五員

烏沙克塔爾屯田千總一員 經制外委一員

城守營兵二百二十一名 喀喇沙爾屯田兵一百

七十二名 烏沙克塔爾屯田兵一百三十名

軍台十處 開都河底台 特伯爾古 烏沙克塔爾

爾布拉克 蘇巴什 托克遜接土魯番界止

開都河南台 哈爾哈 阿滿接庫車界止

卡倫二處 察漢通格 沙札蓋圖

二千餘兩

土魯番在喀喇沙爾之東亦係回疆其領隊大臣及

滿漢官員皆隸烏魯木齊轄

哈密在土魯番之東為回疆門戶設辦事大臣一員

協理大臣一員駐之所屬印房章京一員筆帖式

一員又通判一員隸安肅道轄副將都司各員皆

隸烏魯木齊轄

以上二城有與回疆交涉之事故附載於末

海土二種各與西國交遊之車對州薄飲木

諸島等本島

一員其國一員其地亦與諸國通商各員其

國取大田一員其地亦與諸國通商各員其

伊奇查土魯番之東為回疆門曰焉耆車大田一員

諸島等本島

土魯番查神佛心爾之東亦為回疆其地亦與大田

